

續增沙河縣志

續增沙河縣志序



沙邑志乘自乾隆二十二年杜任重修以後迄今八十餘載繼杜任而宰斯邑者姓氏且多不可攷其他荒遠而難稽隱沒而不彰者更無論矣失此不修恐文獻漸少必至愈久而愈湮也惟是修志一舉有就原書畧爲刪改增補或在原板之後另添數條卽以爲本任重修者此其欺世盜名固卑卑不足道而在才高意廣之士又往往吹索原書之疵憑臆釐正以爲重修抑思晚出數十年卽學問較博於前人而見

續增沙河縣志

序

一

聞終不及前人之真此亦一是非彼亦一是非又安保後人之不我瑕疵也哉予承乏斯土已逾四載慨志乘之失修已久亟欲修之而又不忍妄爲重修因思杜志本屬詳明原板亦極完善第爲續增可也於是商諸而學遍諭紳耆凡一切節孝忠義諸事據實採訪開報並飭各房查明秩官選舉等項又得邑明經馬汝霖鴻水瑣談一冊多堪採取公餘之暇卽爲纂集閱一載而告成乃付剞劂氏嗚呼後之視今猶今之視昔從今閱三四十年有同志者更加續增是

斯邑之幸也予有厚望焉或再閱四五十年有同志者見其原板漫漶乃合前後續增並原書而總修之尤斯邑之幸也予更有厚望焉是爲序

道光二十五年歲次乙巳仲秋月

文林郎知沙河縣事議敘加五級紀錄十三次卓異
候陞江夏魯傑卓泉氏撰

凡例

一志乘分門別類各縣不同此編一仍杜志之舊杜志有綱有目茲於目中無者缺之有者續之又或就其目而分合挪移之其另增之目亦卽各附其綱以便觀覽

一此編既係續增故止載杜志以後事實其已見杜志者概不復錄惟杜志以前間有失載者亦爲補入若所補有在本朝以前者則開列元明 國朝字樣否則不書朝代

一志乘中各目多以備一邑之掌故惟人物一門尤爲典

續增沙河縣志 凡例

一型所在風化攸關故此編移置卷首餘則仍循杜志編次之舊亦以續增異於重修故也

一修志例必開局開局則所費不貲勢必有公捐之擾且既令捐費難免徇情此編實因歷任己及四五年之久見聞較廣又徧加採訪稽考親爲酌訂未嘗設局卽刻板亦係自捐不欲以擾紳民且免徇情之弊

一此編雖係自訂而其時學博馬雨江韓介石俱係余辛巳同年人品又極端方故多與之商酌又邑明經馬汝霖熟習邑中掌故亦嘗與之論辨稿成後復與寂紳面

議一切究非以一人私見妄矜獨斷

續增沙河縣志

凡例

二

目錄

序 凡例 目次

人物

宦望 鄉型 孝友 義烈 列女

流寓

輿地

雜異

建置

學校祠祭 兵防 廨署

續增沙河縣志 目錄

田賦

地畝額糧 起運 存留 耗羨

倉儲

秩官

名宦 令宰 佐貳止載典史 師儒 守將

選舉

進士 舉人 副榜 拔貢 恩貢

歲貢 捐貢 例監 職員 掾吏

耆職 武進士 武舉 武職 封贈

世襲

藝文

碑記

雜著

詩

蒼紀

續增沙河縣志

目錄

二

續增沙河縣志卷上

邑令江夏魯傑卓泉氏手輯

人物志

宦望

王昌運貢生東趙村人任山西鄉寧縣知縣值明季彫弊之後勞來撫字民賴以安會順治五年大同總兵姜瓖叛捐軀殉國乾隆五十年追錄難蔭世襲恩騎尉

劉源清順治己亥進士青介人授廣東瓊山令約已愛民除盜安良能以經術飾吏治頗著循良之譽解組歸田

續增沙河縣志卷上

清風兩袖士林重之雍正五年奉 旨旌獎勒碑學宮

入祀忠義祠

李加相字宰世城內張家巷人性廉潔篤倫常少困農圃常詣董明經塾聽諸生講授董明經進在門牆家貧不能尋書借經籍鈔讀年十六補博士弟子員弱冠食餼每試輒冠軍與南和孝廉高塘同縣孝廉霍瑀明經韓漢傑齊名屢赴秋闈不第以府貢選授元城訓導兩任師席造就多士多登賢書者爲學務精進以朱子大全爲宗兼習龍門綱鑑東萊博議古文正宗諸書制藝遵

養正編士之得其傳者莫不光耀巽序云

鄉型

周宏功字大業邑庠生城內人幼卽好學力行不倦事親極盡色養教授數百人小學孝經四書而外尤嗜五子性理近思錄文公家禮等書晚年貢入成均享年八旬有四子三鼎廩膳生濬成庠生孫德極亦庠生

馬致誠字醇儒歲貢生新寨人司訓馬迪之孫明經馬全猶子也少承庭訓尊從父教循循若孺子讀書以程朱爲宗食餼後出保儒童自賣斧資不受童子之贖口不

續增沙河縣志

卷上

二

道邪僻之言足不履徑竇之域型家訓俗頗有忠厚長者之風

宋夢麟字子瑞歲貢生贊善人慷慨直爽博學能文與弟同遊泮水爲人排難解紛頗有魯仲連田子春之風嘉慶十四五年永年邪教潛滋境內夢麟與師弟朋友開鄉愚排斥異端贊善及鄰近各村不染邪惡夢麟之力也子景榮向榮業均列庠序

王瑛生邑廩生城內人少年鰥居絕無邪僻之行方正白持不履公庭所謂言思可道行思可法者也

邵溼字清流邑增生西馬庄人歲貢生巖之季子也 教
數兒時卽循規蹈矩爲眾所異一日父外出未歸時天
寒甚乃夜卧寒榻以試其栗烈比長入學篤志力行不
尙浮華母路氏早亡服喪盡禮事繼母楊氏一如所生
於書無所不讀而訓迪後進尤喫緊於朱子小學治家
有法男女內外長幼尊卑罔不恪遵禮儀一生多所著
述而尤長於周易因著易經啟門以示後學兼善內經
濟世活人遠近賴之壽屆七旬談笑而終

白琮字瑞五固坊人秉性寬厚樸實無華居家孝友能以
續增沙河縣志 卷上 三
信義服人年逾三十始入武學與李崑巖同登道光壬
午科武舉崇退讓息鬪凌西北爭訟之習由瑞五漸消
晚年獲生二子八以爲積善之報云

游尙學城北留客村人敦樸質直痛弟早亡遺孤興僅四
齡零丁無依尙學加意存養視姪猶子家貧甚以負販
爲生遺姪興就傅供給讀書至庚子 恩科興登賢書
以寒族而能教姪上進尤可爲鄉黨矜式

范魁熊字純儒郡增生城內人家世讀書幼失怙事孀母
已養無違宗族中婚嫁喪葬不能集事者量力踴卹性

明敏多記往事馬明經渴水瑣談多授以爲據年至大
耄而終子中璧孫春惠皆入邑庠能紹箕裘云

高玉林字崑岡邑廩膳生母并人自幼孝謹敦厚其事親
善承父志家有薄田三頃父命與其女弟二人各五十
畝卽欣從無難色與其弟瑞琳和睦無間終身不析產
其堂姪四人奉同等俱就家中撫養各爲之娶妻焉族
人守義歲荒不能自存令其父子四人傭工受值得以
無恙嘉慶癸酉年饑人餓施粥贍貧縣侯黃給醫序休
風之區又置田六頃十九年奉 恩旨令貧民悉以原

續增沙河縣志

卷上

四

價取贖人有勸其勿贖者不聽悉使之贖去二十年前
憲勸捐義倉遂捐穀三十石縣侯黃又以義篤經畝旌
之嘗憤沙河文風不振令子若孫咸受業於進士劉溪
南先生邑中士人知嚮學實自此發之其子五人奉璋
炳文蘇文漢文熊文俱列邑庠孫育中中道光辛巳舉
人次孫擇中庠生人以爲積德之報也

高瑞琳字祥光邑庠生玉琳之胞弟凡其兄所爲每一力
贊成之因其父晚年患癰疽與其兄洗滌敷藥朝夕不
倦遂習外科兼通內科人有求醫者不受謝且施藥人

咸稱爲長者其子煥文貢戊戌明經烈文邑庠生與王琳之子競相華鄂云

王鍾玉字崑圃與弟鍾秀同列邑庠性明敏而志又甚銳肄業龍岡書院者七載赴秋試者十三次終不得志於有司僅以明經終平生博覽羣書尤邃於易又旁精岐黃堪輿卜筮等術晚年闢廬象山之北優遊終老才高數奇所行未免稍近於狂然其人品學術實爲同邑所交推云

苑中和字東泉邑廩生城內人秉性忠厚處鄰里友朋之間無疾言遽色一生以謙和爲宗少工顏魯公書法廟堂名勝之地每有其遺迹殆品學兼優之士也

孝友

張奎璧邑廩生冊井人天性純篤事父母孝謹母歿之後奉木主於一室事之如生每歲特忌日哭泣盡哀三年之內口不茹葷足跡未嘗至門子養心嘉慶丙辰貢成均年至八十戊寅己卯連邀 天寵 欽賜國子監學正孫可久悠久恒久能久俱遊庠人以爲孝順之報云
王書吉東北流人拔貢王昌義之仲子乾隆中其父緣事

適成伊輩老死配所行交到沙關親屬領柩其兄元往
迎至華陰畏難而歸書吉乃裹糧而往糧盡丐食而行
往返四載行二萬餘里艱苦備嘗卒能俾其父骸附葬
於祖塋可謂孝矣

鄭聚江丈八人父全以罪戍黑龍江越數年間父死乞食
尋父屍逾年攜父骨歸途中遇烈風雷雨奔至古廟殭
死適又有避雨人至救之復蘇夜夢其父告之曰前途
無恙兒幸早還仍乞食負骨以歸人皆稱其孝

趙爾仁冊井人喪父時貧無以葬五服之內俱以紙條掛
續增沙河縣志

卷上

六

孝兄弟五人二弟及四弟五弟爲人傭工三弟爲人傭
蛤後爾仁以賣飯營生置地一頃有餘因悉召其弟還
與之按股均分今其孫壽衍稱極盛焉

裴升明字宜中歲貢生贊善人竭方事親母嘗病卧九年
晨昏扶持未嘗少衰衣服茵褥有垢穢必親浣濯母卒
後事父尤勤冬溫夏清供饌必精歡言笑語以悅親心
父壽九十餘乃終性篤學壯歲窮經惟精於易遠方多
有問卜者持躬嚴謹不衣冠不見客身不入城市者四
十餘年初艱於嗣晚得三子論者以爲孝之所感焉邑

令溫公廣文趙公聞其品望議舉鄉飲大賓而公旋卒
年七十有八

武成享西北流民人秉性孝友敦族睦隣與物無乖父卒
後不宿私室事母尤敦色養夤夜便溺雖無恙不令下
床亦未嘗以妹與妻代勞可謂能竭其力矣

邵檢邑增生西馬莊人父涇事親至孝檢克繼其志居恒
不踐非禮父廢疾親侍湯藥極力奉養未嘗一刻少懈
及卒哀毀盡禮日暮號泣未嘗少開顏色未幾母亦卒
哀毀骨立喪葬一遵古禮每飯必供考妣晨昏猶切定

續增沙河縣志

卷上

七

省入室呼號不能自主遂以思親過度踰年而亡士林
惜之

郭有章邑廩膳生密坡人工文章篤友誼母王氏早亡事
繼母鄭氏盡孝道父歿後異母弟憲章郁章並幼有章
教以讀書望其成立家世貧薄負債甚多卽罄產不能
全償念弟俱幼易生理維艱遂折產以薄田數畝爲還
債之資而身任之不以累兩弟兩弟乃粗可小康其子
麟書亦遵父志不較也生平慷慨鄉人事涉輒轉爲之
排解訟輒以較借享年不永嘔血以沒

李士端附貢生石岡人杜志所載義烈諸生李自保裔孫幼入邑庠援例貢入成均性淳品端而祇父恭兄循循若孺子與兄士彬析炊產業得其最下者受之無愠色兄申年落魄端居積日豐時常周其困乏諸姪不能振拔或卹其饑寒或助其資少姪丙寅鞠育在家爲之婚娶且割已產俾其俯仰有資焉尤敬惜字紙周濟鄉黨頗有祖風

苑秉禮字宗魯城內人秉性謙和居家勤儉及歿遺四弟俱幼獨力支持家務仰事孀母俯育諸弟且能供給少

續增沙河縣志

卷上

八

弟秉直遊庠諸姪國熊瑞熊從孫中和均列庠序秉禮之力也享壽八旬有八蒙 恩賜秩八品壽官

王守成母并人幼依其叔成立其叔死其嫡堂弟守義尙幼守成將已分之家合而爲一身爲經紀使守義業儒待其入庠然後析而爲二已無私焉邑侯旌以孝友可風之匾

李田銀西北流人生孩二歲慈母見背父老無以度日出村南活埋之村媪救之得免與兄早分居及兄亡姪病瘡銀爲張姓僱工憐嫂寡姪病復與同居以備值撫育

之貧苦愚民由盡孝慈亦罕觀也

趙山裕禮店人事親無違待弟無僞居鄉無爭孝友平和之名動稱閭里歿後遺二子長文標次國麟文標繼父之志勤儉治家教弟讀書不惜費財國麟年甫弱冠卽補郡增生可謂收善慶也

李玉成城內人賦性質直行誼孝友吮筆丹青寄跡稊糊養生母而菽水承歡事義母而養殮常繼技藝中有奇行之士未多觀也邑侯吳公以孝友可風匾旌之

趙璽字國寶邑武庠生裕禮店人爲人敦厚樸誠幼而事

續增沙河縣志

卷上

九

父甚孝年二十餘歲父亡事兄亦甚恭凡事稟命而行每聞兄喚卽至兄不命坐不敢坐卽與言至久而生侍其側未敢稍懈言畢兄不命出亦不敢出人謂其孝弟之克盡焉

張廷麟字美德城內張家巷人賦性醇謹克敦孝友事宜母程氏就養無方內外無間言母疾篤日侍湯藥未嘗解衣離左右者七晝夜其弟祥麟雅知恭兄廷麟待祥麟倍加親愛遣就李明經受業祥麟不負兄德勵志讀書遂少年入泮食餼鬻官子議敘從九品新倅姪廩生

新桐生員新棠新榛亦孝友可風家聲至今不墜

石大經密城人舊籍隸順天密雲縣自伊祖諱九貴者以
事遷居沙邑傳二世至大經父懷玉中年失明大經多
方療治飲食起居加意奉侍朝夕不離又教弟大倫名
列邑庠至今鄉里猶稱其孝友子鵬越忠厚守業孫五
人長清心邑庠生力承祖志於諸弟殷勤友愛各隨其
材而教之五弟清渠讀書入邑庠次弟清一武生四弟
清吉庚子科武舉辛丑科進士授 御前侍衛皆清心
之力也溯厥源淵寶大經之家教有以貽後嗣云弟大
續增沙河縣志

卷上

十

倫亦頗孝友孫玉潤已策名武進士矣

義烈

元

馬德謙元至德六年進士登第後未及仕進會闈屬監尹
達魯花赤大爲九邑民害德謙恨憤乃與本縣達魯花
赤呂誠具言於本部以本部屬之王府朝命許之仍蠲
免逋賦誅其尤不法者一人其餘降黜有差合屬始爲

樂郊

國朝